



363-27



延陵吳

秋林 石林

同選

本堂錄先

# 歷朝應制詩

附應令 應教 省試 京兆府試  
都堂試 部試 州試 入翰林試  
樂章 元會 大禮 后妃 陵寢  
游幸 聖誕 射獵 扈從 攝職  
志賜 頌聖 獻詩 宮詞 早朝

文彙堂藏版

## 歷朝應制詩序

延陵兩吳君以弘文

碩學競爽詞林會選

歷朝應制詩取其金

錢序一

相玉式豔溢錙毫者  
都爲一集郵而徵序  
于余余老爲農夫水  
南舍北晨夕與村童

牧豎唱尔女之歌和  
欸乃之曲顧使之聞  
樂鈞天審音清廟心  
回神駭頭目眩運梯

凡憑軾嘿不自得者  
久之既而繙閱其書  
登珠林而汎玉海爲  
之耳目開明氣滿大

宅又久之而意芒然  
如有失也今夫應制  
之詩椎輪于漢武之  
柏梁陳思之應詔而

增華揆藻極于唐之  
景龍開元茂矣美矣  
不可以復請矣帝庸  
作歌明良喜起不翔

始于唐虞之際乎古  
稱舜爲賓客禹爲主  
人八風修通百工相  
和而歌卿雲卿雲爛

今禮縵縵今則帝之  
命辭古今應制之首  
唱也自栢梁已前遡  
而上之請自此始春

秋之季勾踐入吳文  
種有祖道之祝范蠡  
有上壽之詞吳歌越  
吟留連江上皇天祐

助觴酒既升猶有古  
咎賡歌之餘風比于  
瓊花璧月後庭靡靡  
之音其爲可紀錄多

矣又遡而上之周穆  
王周行天下西游至  
于瑤池西王母虎齒  
載勝酌酒歌謠一則

曰將子無死尚能復  
來一則曰余歸三年  
將復而所穆王爲賓  
客王母爲主人白雲

黃竹嬋媛婉孌人間  
世之君臣矢音作頌  
祝千秋而萬年者有  
若是焉者乎又姑舍



是遡而上之中天調  
御初會菩提場中無  
量大自在天王乃至  
日月天子莫不稽首

禮足作頌讚嘆華嚴  
之會佛爲主人則雲  
集海衆皆賓客也若  
云佛爲法王則諸天

王莫非王臣伽陀祇  
夜稱揚讚嘆非諸天  
應制之詩而何五天  
禮佛盛傳讚嘆一百

五十頌及四百五十  
頌所謂麗齊天蘄理  
高峻嶽者此則雅頌  
之元首音聲之宗極

也曹子建游魚山聞  
空中梵天之音寫爲  
梵唄二君妙選應制  
詩歸極于諸天之偈

頌寫天音爲梵音則  
亦斯世之子建也吾  
請爲唱喁焉客從旁  
笑曰是集也漢之中

和頌唐之御覽詩也  
被諸絃管獻之

禁近固將待詔承明侍  
從射熊騰清霄而軼

浮景身在屬車豹尾  
之間子乃雜舉齊諧  
竺二墳荒唐俶詭之談  
而叅預於倫鼓鍾於

樂辟雍之文有是哉  
子之迂也奚其序余  
矍然失容起而謝客  
趣命侍史書之以復

凡例

是集選以歷朝者蓋欲博探古今之風氣并稽  
世代之盛衰自漢魏六朝以及唐宋元明其  
間聲調固是不同而體式亦為極備更際

當代文明

衡文者間以課士可謂千秋盛美先後同揆  
矣願期海內同聲共誌不朽

應制詩雖盛於唐實起於漢魏自武帝柏梁臺  
肇開君臣唱和之端曹植應詔詩始備闕庭

凡例一

進獻之體茲選故以二詩冠首

六朝應制詩不可勝紀然或命意淳朴措辭古  
與格調參差卽唐人擬古亦不過得其大畧  
故選其旨顯而詞華者以見先正典型  
應制詩體必須冠裳珮玉以正格爲主如初唐  
去古不遠卽律詩格調未敢深求其盛中晚  
諸詩兩聯或用重調或情少景多或聲調不  
協及純用實字填塞者俱不入選

自漢魏至唐詩體繁冗不一未能分類分則古  
律間雜今畧序其朝代氏次先後至於應試  
諸詩專工律體且晚唐居多氏次難以悉攷  
故不能序人之先後謹循其類而分之

歷朝應制惟唐爲盛或一人而數首或一首而  
一人多者卽備美無能悉載少者雖微疵不  
能盡刪緣備諸體式以供採擇耳惟  
識者鑒之

茲選自漢魏迄唐已經蒐閱全集收錄稍備至  
五代宋元明選輯已定行將成帙但

昭代宗工佳咏尚未及彙徵統祈  
公郵寄吳門文彙堂以便付梓  
海內名

延陵吳

汶英全識於文彙堂

姓氏

鑒定

虞山錢牧齋先生

婁東吳駿公先生

蘭陵楊冰如先生

較閱

玉峯陸子敏先生

同門較訂

楊漢人

鼎揚州江都人

姓氏一

咸大咸

淮安山陽人

倪聖文

光彪蘇州吳江人

欽序三

蘇州吳縣人

欽永懷

蘇州吳縣人

曾大千

福建莆田人

陳心郢

應捷江寧人

鄒方魯

江寧上元人

歷朝應制詩選卷一目錄

四言古詩

魏

晉

宋

齊

梁

唐

五言古詩

歷朝應制詩選目錄

文彙堂



宋  
齊  
梁  
陳  
隋  
北齊  
北周  
唐  
目錄終

歷朝應制詩選卷二目錄

七言古詩

漢  
梁  
唐

目錄終

歷朝應制詩選目錄

文彙堂

歷朝應制詩選卷三目錄

五言律詩

唐

目錄終

歷朝應制詩選目錄

文彙堂

歷朝應制詩選卷四目錄

五言律詩

唐

目錄 終

歷朝應制詩選目錄

文彙堂

歷朝應制詩卷五目錄

五言排律

唐

目錄 終

歷朝應制詩選目錄

文集堂

歷朝應制詩選卷六目錄

五言排律

唐

目錄終

歷朝應制詩選目錄

文彙堂

歷朝應制詩選卷七目錄

七言律詩

唐

七言排律

唐

目錄終

歷朝應制詩選目錄

文彙堂

歷朝應制詩選卷八目錄

五言絕句

唐

七言絕句

唐

目錄 終

歷朝應制詩選目錄

文彙堂

歷朝應制詩選卷九目錄

應令

應教

六朝

唐

目錄終

歷朝應制詩選目錄

文彙堂



歷朝應制詩選卷十目錄

雜體

郊祀樂章

雜祭

元會

大禮

后妃

陵寢

遊幸

歷朝應制詩選目錄

文彙堂

聖誕

射獵

扈從

攝職

恩賜

頌聖

獻詩

宮詞

早朝

目錄終

歷朝應制詩選卷第一

延陵吳

汶秋林

全選

英石林

安州欽

牧牧臣叅定

魏

四言古詩

曹植

應詔詩

肅承明詔應會皇都星陳夙駕秣馬脂車命彼  
掌徒肅我征旅朝發鸞臺夕宿蘭渚芒芒原隰

歷朝應制詩選卷一

文彙堂

邗邗士女經彼公田樂我稷黍爰有樛木重陰  
匪息雖有饑糧飢不遑食望城不過面邑不遊  
僕夫警策平路是由玄駟藹藹揚鑣漂沫流風  
翼衡輕雲承蓋涉澗之濱緣山之隈遵彼河滸  
黃坂是階西躋關谷或降或升駢驂倦路載寢  
載輿將朝聖皇匪敢宴寧弭節長驚指日遄征  
前驅舉燧後乘抗旌輪不輟運鑿無廢聲爰暨  
帝室稅此西墉嘉詔未賜朝覲莫從仰瞻城闔  
俯惟闕庭長懷永慕憂心如醒

晉

應 禎

侍武帝華林園集詩九章

千寶晉紀曰  
泰始四年二

月上幸華林園與羣臣宴賦詩  
觀志散騎常侍應禎詩最美

悠悠太上民之厥初皇極肇建彝倫攸敷五德

更運膺籙一作應錄受符陶唐既謝天歷在虞

於時上帝乃顧惟眷光我晉祚應期納禪位以  
龍飛文以虎變玄澤滂流仁風潛扇區內宅心  
方隅回面

歷朝應制詩選卷一

文彙堂

天垂其象地耀其文鳳鳴朝陽龍翔景雲嘉禾  
重穎莫莢載芬率土咸序一作寧人胥悅欣

恢恢皇度穆穆聖容言思其順貌思其恭在視

斯明在聽斯聰登庸以德明試以功

其恭惟何昧且不顯無理不經無義不踐行捨

其華言去其辯游心至虛同規易簡六府孔修

九有斯靖一作來踐

澤靡不被化罔不加聲教南暨西漸流沙幽人

肄一作肆險遠國忘遐越裳重譯充我一作初皇家

峩峩列辟赫赫虎臣內和五品外威四賓修一作

順時貢職入覲天人備言錫命羽蓋朱輪

貽宴好會不常厥數神心所受一作授不言而喻

於是肄一作肆射弓矢斯御發彼五的有酒斯飫

文武之道厥猷未墜在昔先王射一作躬御茲罷

示武懼荒過亦為失叶試凡厥羣后無懈於位

張華

祖道征西應詔詩

赫赫大晉奄有萬方陶以仁化曜以天光貳跡

歷朝應制詩選卷一

文彙堂

陝西實在我王內飪玉鉉外惟鷹揚四牡揚鑣  
玄輅振綏庶寮羣后餞飲洛湄感離歎悽慕德  
遲遲

祖道趙王應詔詩

崇選穆穆利建明明於顯穆親時惟我王稟姿  
自朕金質玉相光宅舊趙作鎮冀方休寵曲錫  
備物煥彰發朝上京出自天邑百寮餞行縉紳  
具集軒冕峩峩冠蓋習習戀德惟懷永歎弗及

問丘冲

三月三日應詔詩二首

暮春之月春服既成陽昇土潤冰渙川盈餘萌  
達壤嘉木敷榮后皇宣遊既宴且寧光光華輦  
誥誥從臣微風扇穢朝露翳塵上蔭丹幄下藉  
文茵臨川一作池挹盥濯故潔新俯鏡清流仰睇  
天津藹藹華林巖巖景陽業業峻宇奕奕飛梁  
垂蔭倒景若沈若翔

浩浩白水汎汎龍舟皇在靈沼百辟同遊擊擢  
清歌鼓柁行酬一作謳聞樂咸和具醉斯柔在昔

帝虞德被遐荒干戚在庭苗民一作人來王今我  
哲后古聖齊芳惠此中國以綏四方元首既明  
股肱惟良樂酒今日君子惟康

宋

顏延之

爲皇太子侍宴餞衡陽南平二王應詔

詩

大儀在御皇聖居貞旁緝民紀仰緯天經物資  
感變神以瑞形川無遁寶山不闕靈亦既戒裝

皇心載遠夕悵亭臯晨儀禁苑神行景鶩發自  
靈圃對宴感分瞻秋悼晚

應詔讌曲水作詩八章

道隱未形治彰旣亂帝迹懸衡皇流共貫惟王  
創物永錫洪算仁固開周義高登漢  
祚融世哲業光列聖太上正位天臨海鏡制以  
化裁樹之形性惠浸萌生信及翔泳  
崇虛非徵積實莫尚豈伊人和實靈所覘日完  
其朔月不掩望航琛越水輦賚踰嶂

歷朝應制詩選卷一

文彙堂

帝體麗明儀辰作貳君彼東朝金昭玉粹德有  
潤身禮不愆羈柔中淵映芳猷蘭秘  
簪在文昭今惟武穆於赫王宰方旦居叔有睟  
獻蕃爰履莫牧寧極和鈞屏京維服  
朏魄雙交月氣參變開榮灑澤舒虹爍電化際  
無間皇情爰眷伊思鎬飲每惟洛宴  
郊餞有壇君舉有禮幙帷蘭甸畫流高陞分庭  
薦樂析波浮醴豫同夏諺事兼出濟  
仰閱豐施降惟微物三妨儲隸五塵朝黻途秦

五

命屯恩充報詘有悔可悛滯取難拂

齊

謝朓

三日侍華光殿曲水宴代人應詔十章  
羣分未辨類聚茲式天睠休明且求至德御繁  
實簡制動惟默官府百王衣裳萬國  
中葉遭閔副內多違悠悠靈貺爰有適歸於昭  
睿后撫運天飛凝居中縣神動外畿  
懸象著明離光乃位我有儲德徽猷淵備長壽

六  
察書龍樓迴轡重道上庠行遵儒肆  
朝陽有幹布葉萋萋思皇威矣鷦羽高棲出馳  
先轂入秉介珪瞻秦望并建魯分奎  
求賢每勞得士方逸有覺斯順無文咸秩萬箱  
惟重百鍰載卹屈草戒諛階奠紀日  
文教已肅武節旣馳榮光可照合璧如規載懷  
姑射尚想瑤池濯龍乃飾天淵在斯  
作樂順動實符時義上春初吉亦畱淵奇紅樹  
巖舒青莎水被離梁虹拖雲霓鳥跂

高懸甲帳周褰黼帷長筵列陛激水旋墀浮醪  
聚蟻靈蔡呈姿河宗躍踢海介夔跣  
弱腕纖腰遷延妙舞秦箏趙瑟殷勤促柱降席  
連綉稱觴接武稽首萬年獻茲多祐  
天地旣成泉流旣清薄暮沾幸屬奉文明將標  
齊配刻掃秦京願馳龍漠飲馬懸旌  
侍宴華炎殿曲水奉勅爲皇太子作九

章

勿求邃古逃聽鴻名大寶曰位得一爲貞朱禘



叶社綠字摘英升配同貫進讓殊聲  
大橫將屬會昌已命國步中徂震居膺慶璽劔  
先傳龜玉增映宗堯有緒復禹無競  
禮行郊社人神受職寶效山川鱗羽變色玄塞  
北靡丹徼南極浮毳駕風非泳非陟  
能官民秀利建天跗枵鵠列野營絳分區論思  
帝則獻納宸樞麟趾方定鷦翼誰濡  
西京藹藹東都濟濟秋被濯流春禊浮醴初吉  
云獻上除方啓昔駕陽潁今帳雲陛

嘉樂舊矣芳宴在斯載留神矚有睟天儀龍精  
已映威仰未移葉依黃鳥花落春池  
高殿弘敞禁林稠密青磴崛起丹樓間出翠葆  
隨風金戈動日惆悵清管徘徊輕佻  
灞澹入筵河淇流阡海一作若來往觴肴  
泔泔歡飫有終清允欲暮輕貂回首華組徐步  
登賢博望獻賦清漳漢貳稱敏魏兩垂芳監撫  
有則七鬯無方瞻言守器永愧元良  
梁

丘遲

九日侍宴樂遊苑

朱明已謝蓐收司禮爰理秋夜備揚旌榮奉璋  
峩峩金貂濟濟上林弘敞離宮非一綵殿迴風  
丹樓映日隨珠甲帳屯衛周悉眸容徐動天儀  
澄謐雲物旂蠲光景高麗枯葉未落寒花委砌  
絲桐激舞楚雅閒慧參差繁響殷勤流詣

唐

張九齡

奉和聖製燭龍齋祭

上帝臨下鑒亦有光孰云陰隲惟聖克彰六月  
徂暑四郊信陽我后其勤告于壇場精意允溢  
羣靈鼓舞蔚今朝雲沛朕時雨雨我原田亦旣  
有年燭龍煌煌明宗報祀于以助之天人帝子  
聞詩有訓國風茲始

宋

五言古詩

范曄

樂遊苑應詔詩

崇盛歸朝闕虛寂在川岑山梁協孔性黃屋非  
堯心軒駕時未肅文圃降照臨流雲起行蓋晨  
風引鑿音原薄信平蔚臺澗備曾深蘭池清夏  
氣脩帳含秋陰遵渚攀蒙密隨山上嶇歎睇目  
有極覽游情無近尋聞道雖已積年力互頽侵  
探已謝丹黻一作感事懷長林

謝靈運

從遊京口北固應詔

玉璽戒誠信黃屋示崇高事為名教用道以神  
理超昔聞汾水遊今見塵外鑣鳴笳發春渚稅  
鑿登山椒張組眺倒景列筵矚歸潮遠巖映蘭  
薄白日麗江臯原隰夷綠柳墟囿散紅桃皇心  
美陽澤萬象咸光昭顧已朽維繫撫志慙場苗  
工拙各所宜終以反林巢曾是榮舊想覽物奏  
長謠

顏延之

車駕幸京口三月三日侍遊曲阿後湖

作

虞風載帝狩夏諺頌王遊春方動宸駕望幸傾  
五州山祗蹕嶠路水若警滄流神御出瑤軫天  
儀降藻舟萬軸胤行衛千翼汎飛浮離雲麗璇  
蓋祥飈被綵旂江南進荆豔河激獻趙謳金練  
照海浦笳鼓震溟洲藐眄靚青崖衍漾觀綠疇  
民靈騫都野鱗翰聳淵丘德禮既普洽川嶽徧  
懷柔

鮑照

侍宴覆舟山勅為柳元景作

繁霜飛玉闥愛景麗皇州清蹕戒

一作式馳路羽

蓋佇宣游神居既崇盛巖嶮信環周禮俗陶德

聲昌會溢民謳慙無勝化質謬從雲雨浮

一作遊

齊

王融

侍遊方山應詔

巡躅望登年帳飲臨秋縣日羽鏡霜潄雲旗落  
風甸四瀛良在目八寓婉如見小臣竊自嘉預

歷朝應制詩選卷一

文彙堂

奉柏梁讌

梁

昭明太子

和武帝遊鍾山大愛敬寺

唐遊薄汾水周載集瑤池豈若欽明后迴鸞鷲  
嶺岐神心鑒無相仁化育有爲以茲慧日照復  
見法雨垂萬邦躋仁壽兆庶滌塵羈望雲雖可  
識日用豈能知鴻名冠子姒德澤邁軒羲斑斑  
仁獸集匹匹翔鳳儀善遊茲勝地茲岳信靈奇

嘉木互紛紜層峰鬱蔽虧丹藤繞垂榦綠竹蔭  
清池舒華匝長阪好鳥鳴喬枝霏霏慶雲動靡  
靡祥風吹谷虛流鳳管野綠映丹麾帷宮設屢  
外帳殿臨郊垂俯同南風作斯文良在茲伊臣  
限監國卽事阻陪隨顧惟實庸菲冲薄竟奚施  
至理徒興羨終朕類管窺上聖良善誘下愚慚  
不移

簡文帝

和武帝講武宴

校尉開疎勒將軍定月支南通新息柱北屆武  
陽碑豫遊戲馬館教戰昆明池銀塘瀉清渭銅  
溝引直漪常從良家子命中幽并兒金鞍飾紫  
佩玉燕帖青驪車書今已共願奏云亭儀

庾肩吾

蔬圃堂應詔

北宮多暇豫時駕總鑾鑣路靜繁葭撤輪移羽  
蓋飄臨空坐飛觀回首望浮橋風長曙鐘近地  
迴洛城遙踈林不礙日涸浦暫通潮徒然等賓

從並作愧群僚

奉和武帝苦旱

陽山蛇不螫洳澤鳥猶攢暫息流膏雨將似怨  
祁寒文衣夜不臥蔬食晝忘餐潔誠同望祀惟  
馨等浴蘭江蘋享上帝荆璧奠高巒繁雲興岳  
立蒸穴動龍蟠渭渠還積水漉池更起瀾

劉孝綽

侍宴餞庾於陵應詔

皇心眷將遠帳餞靈芝側是日青春獻林塘多

歷朝應制詩選卷二

文彙堂

秀色芳卉疑綸組嘉樹似雕飾遊絲綴鶯領光  
風送綺翼下輦朝既盈留宴景將晏高辨競談  
端奇文爭筆力伊臣獨無伎何用奉吹息  
春日從駕新亭應制  
旭日輿輪動言追河曲遊紆餘出紫陌迤邐度  
青樓前驅掩蘭徑後乘歷芳洲春色江中滿日  
華巖上留江風傳葆吹巖華映采旂臨渦起睿  
作駟馬暫停輶侍從榮前阮雍容慙昔劉空然  
等彈翰非徒嗟未道

侍宴餞張惠紹應詔

滄池誠自廣蓬山一何峻麗景花上鮮油雲葉  
稟潤風度餘芳滿鳥集新條振餞言班俊造光  
私獎輒忝徒狀謬反隅何以窺重仞

沈約

侍宴樂遊苑餞呂僧珍應詔

丹浦非樂戰負重切君臨我皇秉至德忘已用  
堯心愍茲區宇內魚鳥失飛沉推轂二嶠道揚  
旆九河陰超乘盡三屬選士皆百金戎車出細

柈餞送遵上林命師誅後服授律緩前禽函轅  
方解帶曉武稍披襟伐罪芒山曲弔民伊水潯  
將陪告成禮待此未抽簪

樂將殫恩未已應詔

淒鏘笙管適參差舞行亂輕肩既屢舉長巾亦  
徐換雲鬢垂寶花輕妝染微汗群臣醉又飽聖  
恩猶未半

三日侍林光殿曲水宴應制

宴鎬鏘玉鑾遊汾舉仙軼榮光泛彩旄修風動

芝蓋淑氣婉登晨天行聳雲旆帳殿臨春籞帷  
宮繞芳薈漸席周羽觴分擘引迴瀨穆穆玄化  
升濟濟皇階泰將御遺風軫遠侍瑤臺會

丘遲

侍宴樂遊苑餞張徐州應詔

詰旦閭闔開馳道聞鳳吹輕萸承玉輦細草藉  
龍騎風遲山尚響雨息雲猶積巢空初鳥飛荇  
亂新魚戲實爲北門重匪親孰爲寄參差別念  
舉肅穆恩波被小臣信多幸投生豈酬義



王 暕

觀樂應詔

趙瑟含清音秦箏凝逸響參差陳九夏依遲分  
四上從風繞金梁合雲映珠網迺奏豈二八繁  
絃非一兩幸叨東郭吹側陪南風賞忘味信鏗  
鏘餐和終俯仰輕塵已飛散游魚亦翻蕩恩光  
實難遇詠言寧易放

陳

後主

入隋侍宴應詔

日月光天德山河壯帝居太平無以報願上東

封書

一作萬年書

江 總

詠採甘露應詔

祥露曉氛氲上林朝晃朗千行珠樹出萬葉瓊  
枝長徐輪動仙駕清晏留神賞丹水波濤汎黃  
山烟霧上風亭翠旆開雲殿朱絃響徒知恩禮  
洽自憐名實爽

賦得攜手上河梁應詔

早秋天氣涼分手關山長雲愁數處黑木落幾  
枝黃鳥歸猶識路流去不知鄉秦川心斷絕何  
悟是河梁

秋日侍宴婁苑湖應詔

翠渚還鑿輅瑤池命羽觴千門響雲蹕四澤動  
榮光玉軸昆池浪金舟太液張虹旗照島嶼鳳  
蓋繞林塘野靜重陰濶淮秋水氣涼霧開樓闕  
近日迴烟波長洛宴諒斯在鎬飲詎能方朽劣

叨榮遇簪笏奉周行

侍宴玄武觀

詰曉三春暮新雨百花朝星宮移渡罕天駟動  
行鑣旆轉蒼龍闕塵飛飲馬橋翠觀迎斜照丹  
樓望落潮鳥聲雲裏出樹影浪中搖歌吟奉天  
詠未必待聞韶

詠燕燕于飛應詔

二月春暉暉雙燕理毛衣銜花弄藿蘼拂葉隱  
芳菲或在堂間戲多從幕上飛若作仙人履終

向日南歸

隋

薛道衡

奉和月夜聽軍樂應詔

旌門臨古堞微道度深隍月冷疑秋夜山寒落  
夏霜遙空澄暮色清景散餘光笳聲喧隴水鼓  
曲噪漁陽沈鬱興神思眺聽發天章古終難  
學丘陵徒自強

從駕天池應詔

上一作聖家寰宇威略振邊陲八維窮眺覽千里曳  
轉一作旌旗駕龍臨碧海控驥踐瑤池曲浦騰烟  
霧深浪駭鯨螭

奉和臨渭源應詔

玄功復禹迹至德去湯羅玉關亭障遠金方水  
石多八川茲一態萬里導長波驚流注陸海激  
浪象天河三輔黃圖云渭水貫都象天河鸞旗歷巖谷龍穴暫  
經過西老陪遊宴南風起詠歌庶品蒙仁澤生  
靈穆太和微臣惜暮景願駐魯陽戈

歷朝應制詩選卷一

文彙堂

袁朗

秋日應詔

玉樹涼風舉金塘細柳萎葉落商飈觀鴻歸  
月池迎寒桂酒熟含露菊花垂一奉章臺宴  
秋長願斯

庾自直

初發東都應詔

二龍乘玉軸萬騎出長塘縱觀此何事巡駕幸  
淮揚伊維名山轉江河道路長照日秋源淨分

花曲水香稻梁叨歲月羽翮仰恩光後塵歸舊  
里還如仙鶴翔

牛弘

奉和冬至乾陽殿受朝應詔

恭已臨萬寓宸居馭八埏作貢菁茅集來朝  
黻連司儀三揖盛掌禮九賓虔重欄映如璧  
殿繞非烟

許善心

奉和賜詩

帝道屬升平天文預觀象茲生荷化育博施多  
含養正始振皇風端居留春想夕拜參近侍朝  
恩濫弘獎溫樹貴不言克艱庶無爽

奉和還京師

重光闡帝圖肆覲荷來蘇卜洛連新邑因秦還  
舊都雷警三辰衛星陳七萃驅從風折鳳羽曜  
日拖魚鬚憲章殫禮樂容服備車徒廻鑾入鄴  
鎬從蹕度枌榆冉冉年和變遲遲節物徂餘花  
照玉李細葉翦珪梧朝夕萬國湊海會百川輸

微生逢大造倏忽改榮枯

柳 詒

奉和晚日楊子江應制

詰旦金鏡發驂駕出城闈鮮雲臨葆蓋細草藉  
斑輪千里烟霞色四望江山春梅風吹落蕊酒  
雨減輕塵日斜歡未畢睿想良非一風生疊浪  
起霧捲孤帆出揆藻麗繁星高論光朝日空美  
鄒枚侶終謝淵雲筆

楊師道

應詔詠巢鳥

桂樹春暉滿巢鳥刷羽儀朝飛麗城上夜宿碧  
林陲背風藏密葉向日逐踈枝仰德還能哺依  
仁遂可窺驚鳴離輦側王吉自相知

虞世基

奉和幸江都應詔

巡遊光帝典征吉乃先天澤國翔宸駕水府汎  
樓船七萃榮長薄三翼亘通川夙興大昕始求  
衣昧旦前澄瀾浮曉色遙林卷宿烟晨霞稍含

景落月漸虧弦迴塘響歌吹極浦望旌旃方陪  
覲東后登封禪肅然

虞世南

奉和獻歲讌宮臣

履端初啓節長苑命高筵肆夏喧金奏重潤響  
朱絃春光催柳色日彩泛槐烟微臣同濫吹謬  
得仰鈞天

奉和幸江都應詔

南國行周化嵇山祕夏圖百王豈殊軌千載叶

前謨肆覲遵時豫順動悅來蘇安流進玉舳一作

畫舸戒道翼金吾龍旂煥辰象鳳吹溢川塗封唐

谷敷錫分陝被荆吳沐道咸知讓慕義久成都

一作遵儀允美都冬律初飛管陽鳥正銜蘆巖巖肅林

薄暖景澹江湖鴻私浹幽遠厚澤潤凋枯虞琴

起歌詠漢筑動巴歛多幸霑行葦無庸類散樗

北朝

魏

晦日汎舟應詔

裊裊春枝弱關關新鳥呼棹唱忽逶迤菱歌時  
顧慕睿賞芳月色宴言忘日暮游豫慰人心照  
臨康國步

邢邵

應詔甘露詩

膏露且漸洽凝液汨旌草木盡霑被玉散復  
珠霏誰謂穹昊遠合道若應機

王褒

詠霧應詔

歷朝應制詩選卷一

文彙堂

七條開早陌五里闔朝氛帶樓疑海氣含蓋似  
浮雲方從河水上預奉綠圖文

庾信

奉和初秋

落星初伏火秋霜正動鐘北閣連橫漢南宮應  
鑿龍祥鸞棲竹實靈蔡上芙蓉自有南風曲還  
來吹九重

詠春近餘雪應詔

送寒開小苑迎春入上林絲條變柳色香氣動

蘭心待花將一作思對酒留雪擬彈琴陪遊愧並  
作空見奉恩深

奉和平鄴應詔

天策引神兵風飛掃鄴城陣雲千里散黃河一  
代清

冬狩行連句應詔

三川羽檄馳六郡良家選觀兵細柳營校獵長  
楊苑驚雉逐鷹飛騰猿看箭轉鳴笳河曲還猶  
憶南皮返



唐

魏徵

奉和正日臨朝應詔

百靈侍軒后萬國會塗山豈如今睿哲邁古獨  
光前聲教溢四海朝宗引百川鏘洋鳴玉珮灼  
爍耀金蟬淑景輝離輦高旌揚翠烟庭實超王  
會廣樂盛鈞天既欣東日戶復詠南風篇願奉  
光華慶從斯萬億年

許敬宗

奉和聖製春日望海

韓夷僣奉賚憑險亂天常乃神弘廟略橫海翦  
吞航雷野清玄菟騰笳振白狼連雲飛巨艦編  
石架浮梁周遊臨大壑降望極遐荒桃門通山  
抃蓬渚降霓裳驚濤含蜃闕駭浪掩晨光青丘  
絢春組丹谷耀華桑長驅七萃卒成功百戰場  
俄且旋戎路飲至肅巖廊

上官儀

早春桂林殿應詔

步輦出披香清歌臨太液曉樹流鶯滿春堤芳  
艸積風色翻露文雪華上空碧花蝶來未已山  
光暖將夕

鄭愔

侍宴長寧公主東莊

公門襲漢環主第稱秦玉池架祥鱸宇山吹鳴  
鳳曲拂席薜蘿垂迴舟芰荷觸平陽妙舞處日  
暮清歌續

鄭南金

奉和九日幸臨渭亭登高應制得日字  
重陽玉律應萬乘金輿出風起韻虞絃雲開吐  
堯日菊花浮聖酒茱萸香挂衰質欲知恩煦多順  
動觀秋實

李咸

奉和九日幸臨渭亭登高應制得直字  
重陽乘令序四野開晴色日月數初并乾坤聖  
登極菊黃迎酒汎松翠凌霜直遊海難爲深負  
山徒倦力

韋元旦

奉和九日幸臨渭亭登高應制得月字  
雲物開千里天行乘九月絲言丹鳳池旆轉蒼  
龍闕灞水歡娛地秦京遊俠窟欣承解慍詞聖  
酒黃花發

蘇頌

奉和聖製登蒲州逍遙樓應制

在晉堯舜禹遺塵成典謨聖皇東巡狩况乃經  
此都樓觀紛迤邐河山幾縈紆緬懷祖宗業相

繼文武圖尚德既無險觀風諒有孚豈如汾水  
上簫鼓事遊娛

張說

奉勅宴梁王宅賦得樹字

虎殿成鴻業後巖題鳳賦既荷大君恩還蒙小  
山遇秋吹迓絃管涼雲生竹樹共惜朱邸歡無  
辭洛城暮

裴守貞

奉和太子納妃

雲路移形輦天津轉明鏡仙珠照乘歸寶月重  
輪映望園嘉宴洽主第歡娛盛絲竹揚帝薰簪  
裾奉宸慶聚雲藹曉光湛露晞朝陽天文天景  
麗睿藻睿詞芳玉庭散秋色銀宮生夕涼太平  
超邃古萬壽樂無疆

張九齡

奉和聖製送十道採訪使及朝集使

三年一上計萬國趨河洛課最力已陳賞延恩  
復博垂衣深共理改瑟其咸若首路迴竹符分

鑣揚木鐸戒程有攸往詔餞無淹泊昭晰動天  
文殷勤在民瘼持久望茲念克終期所託行矣  
當自強春耕庶秋穫

龍門旬宴得月字韻

恩華逐芳歲形勝兼韶月中席傍魚潭前山倚  
龍闕花迎妙妓至鳥避仙舟發宴循良在茲再  
來情不歇

奉和聖製賜諸州刺史以題座右

聖人合大德洪覆在元元每勞蒼生念不以黃

屋尊典統俟羣辟擇賢守列藩得人此爲盛咨  
嶽今復存降鑒引君道慇懃啓政門容光無不  
照有象必爲言成憲知所奉政理歸其根肅肅  
稟玄猷煌煌戒朱軒豈徒任遇重兼爾宴錫繁  
載聞勵臣節持荅明主恩

奉和聖製行次成臯經先聖擒建德之  
所

天命誠有集王業初惟艱翦商自文祖夷項在  
茲山地識斬蛇處河臨飲馬歸威加昔運往澤  
流今聖還尊祖頌先烈賡歌安用攀紹成卽我  
后封岱出天關

奉和聖製過王濬墓應制

漢王思鉅鹿晉將在弘農入蜀舉長算平吳成  
大功與渾蹤不協歸皓實爲雄孤績淪千載流  
名感聖衷萬乘度荒隴一顧凜生風古節猶不  
棄今人爭效忠

蕭華

侍從迴鑾應制

粵在秦京口議乎封禪難豈知陶唐主道濟蒼  
生安惟彼烈祖事增修寔榮觀聲名朝萬國玉  
帛禮三壇纂聖德重光建元功載刊仍開舊馳  
道不記昔廻鑾羽衛搖晴日弓戈生早寒猶思  
檢玉處却望白雲端

王維

奉和聖製御春明樓臨右相園亭賦樂

賢詩應制

複道通長樂青門臨上路遙聞鳳吹喧聞識龍

輿度寨旒明四目伏檻紆三顧小苑接侯家飛  
甍映宮樹商山原上碧澹水林端素銀漢下天  
章瓊筵承湛露將非富民寵信以平戎故從來  
簡帝心詎得迴天步

李泌

奉和聖製中和節曲江宴百寮

風俗時有變中和節惟新軒車雙闕下宴會曲  
江濱金石何鏗鏘簪纓亦紛綸皇恩降自天品  
物咸知春慈恩匝寰海歌詠同君臣

奉和聖製重陽賜會聊示所懷

大唐造昌運品物荷時成  
乘秋逢令節錫宴歡  
羣情俯臨秦山川高會漢公卿  
未追赤松子且泛黃菊英  
賡歌聖人作海內同休明

崔元翰

奉和聖製中元日題奉敬寺

妙道非本說殊途成異名  
聖人得其要俱以化  
群生鳳吹從上苑龍宮連外城  
花鬢列後殿雲車駐前庭  
松竹含新秋軒窗有餘清  
緬懷空同

事須繼簫管聲離想境都寂忘  
言理更精域中信稱大天下乃為輕  
屈已由濟物堯心豈所榮

崔元翰

奉和聖製重陽日百寮曲江宴示懷

偶聖覩昌期受恩慙弱質  
幸逢良宴會况是清秋日  
遠岫對壺觴澄瀾映簪紱  
魚羔備豐膳象鳳調鳴律  
薄劣廁英髦歡娛忘衰疾  
平臯行鴈下曲濟雙鳧出  
沙岍菊開花霜枝果垂實  
天文見成象帝念資勤恤  
探道得玄珠齋心居特室

豈如橫汾唱其事徒驕逸

權德輿

奉和聖製豐年多慶九日示懷

寒露應秋節清光澄曙空澤均行葦厚年慶黍  
禾豐聲名暢八表宴喜陶九功文麗日月合樂  
和天地同聖言在推誠臣職事匪躬瑣細何以  
報翺飛淳化中

奉和聖製九日言懷賜中書門下及百

寮應制

令節在豐歲皇情喜久安絲竹調六律簪裾列  
千官烟霜暮景清水木秋光寒筵開曲池上望  
盡終南端天麗慶霄漢墨妙驚飛鸞願言黃花  
酒永奉今日歡

奉和聖製重陽日卽事六韵

嘉節在陽數至歡朝野同恩隨千鍾洽慶屬五  
稼豐時菊洗露華秋池涵霽空金絲響僊樂劔  
舄羅群公天道光下濟賡歌敷大中多慙擊壤  
曲何以達堯聰



奉和聖製重陽日中外同歡以詩言志  
因示羣臣

玉醴宴嘉節拜恩歡有餘煌煌菊花秀馥馥萸  
房舒白露秋稼熟清風天籟虛和聲度簫韶瑞  
氣深儲胥百辟皆醉止萬方今晏如宸衷在化  
成藻思煥瓊琚微臣徒竊抃豈足歌唐虞

歷朝應制詩選卷一 終

歷朝應制詩選卷二

延陵吳 汶秋林 全選

漢 安州欽 牧牧臣參定

七言古詩

武帝

柏梁臺與羣臣聯句 漢武帝元封三年作柏梁臺詔羣臣

二千石有能為七言詩乃得上坐

日月星辰和四時 帝 驂駕駟馬從梁來 梁王孝王武

歷朝應制詩選卷二 文彙堂

郡國士馬羽林材大司馬總領天下誠難治丞相  
和撫四方不易哉大將軍刀筆之吏臣執之御史  
倂大夫撞鐘伐鼓聲中詩太常周宗室廣大日益  
滋宗正劉周衛交戟禁不時衛尉路總領從宗  
柏梁臺光祿勳平理清讞決嫌疑廷尉修飾輿  
一作馬待駕來太僕公郡國吏功差次之大鴻  
克乘輿御物主治之少府王陳粟萬石揚日一作  
國箕大司農徽道宮下隨討治執金吾三輔盜  
賊天下危左馮翊盜阻南山為民災扶風李外

家公主不可治京兆椒房率更領其材詹事蠻  
夷朝賀常舍其典屬柱桁構榼相枝持大枇杷  
橘栗桃李梅大官走狗逐兔張罟上林鬻妃  
女唇甘如飴郭舍迫窘詰屈幾窮哉東方  
梁

沈約

上巳華光殿

於維盛世卽軒媯朝艷宴鎬復往斯朝光灼爍  
映蘭池春風婉轉入細枝時鷺顧慕聲合離轉

波微動漾羽卮河宗海若生蛟螭浮梁徑度跨  
迴漪朱顏始洽景將移安得壯士駐奔曦

唐

張說

奉和聖製初入秦川路逢寒食

上陽柳色喚春歸臨渭桃花拂水飛總爲朝廷  
巡幸去頓教京洛少光輝昨從分陝山南口馳  
道依依漸花柳入關正投寒食前還京遂落清  
明後路上天心重豫遊御前恩賜特風流便幕

那能鏤雞子行宮善巧帖毛裘渭橋南渡花如  
樸麥隴青青斷人目漢家行樹直新豐秦地驪  
山抱溫谷香池春溜水初平預歡浴日照京城  
今歲隨宜過寒食明年倍宴作清明

劉廷琦

奉和聖製瑞雪篇

紫宸飛雪曉徘徊層閣重門雪照開九衢晶耀  
浮埃盡千品差池贊帛來何處田中非種玉誰  
家院裏不生梅埋雲翳景無窮已因風落地吹

還起先過翡翠寶房中轉入鴛鴦金殿裏美人  
含笑出聯翩艷逸相輕鬪容止羅衣點着渾是  
花玉手搏來半成水奕奕紛紛何所如頓憶陽  
園二月初羞同斑妾高秋扇欲照明王一夜書  
姑射山中符聖壽芙蓉闕下降仙車願隨睿澤  
流無限長揖豐年貴有餘

李白

侍從宜春苑奉詔賦龍池柳色初青聽

新鶯百轉歌

東風已綠瀛洲草紫殿紅樓覺春好池南柳色  
半青青縈烟嫋娜拂綺城垂絲百尺挂雕楹上  
有好鳥相和鳴間關早得春風情春風卷入碧  
雲去千門萬戶皆春聲是時君王在鎬京五雲  
垂輝耀紫清仗出金宮隨日轉天回玉輦繞花  
行始向蓬萊看鶴舞還過菴石聽新鶯新鶯飛  
繞上林苑願入簫韶雜鳳笙

王維

奉和聖製天長節賜宰臣歌

歷朝應制詩選卷二

文彙堂

四  
太陽升兮照萬方開閭闔兮臨玉堂儼冕旒兮  
垂衣裳金天淨兮麗三光彤庭曙兮延八荒德  
合天兮禮神遍靈芝生兮慶雲見唐堯后兮稷  
禹臣匝宇宙兮華胥人盡九服兮皆四隣乾降  
瑞兮坤獻珍

雜言

宋之問

龍門應制

宿雨霽氛埃流雲度城闕河堤柳新翠苑樹花

初發洛陽花柳此時濃山水樓臺映幾重群公  
拂霧朝翔鳳天子乘春幸鑿龍鑿龍近出王城  
外羽從琳瑯擁軒蓋雲蹕纒臨御水橋天衣已  
入香山會山壁嶄巖斷復連清流澄澈俯伊川  
塔影遙遙綠波上星龕奕奕翠微邊層巒舊長  
千尋木遠壑初飛百道泉綵仗紅旌遶香閣下  
輦登高望河洛東城宮闕擬昭回南陌溝塍殊  
綺錯林下天香七寶臺山中春酒萬年杯微風  
一起祥花落仙樂初鳴瑞鳥來鳥來花落紛無

已稱觴獻壽煙霞裡歌舞淹留景欲斜石間猶  
 駐五雲車鸞旗翼翼臨芳草龍騎駉駉映晚花  
 千乘萬騎鑿輿出水靜山空嚴警蹕郊外喧喧  
 引看人傾都南望屬車塵囂聲引颺聞黃道王  
 氣周回入紫宸先王定鼎山河固寶命乘周萬  
 物新吾君不事瑤池樂時雨來觀農扈春武后  
門命羣臣賦先成者賜以錦袍左史東方虬詩  
成拜賜坐未安之問詩後成文理兼美左右莫  
不稱善乃就  
奪錦袍衣之

許景先

奉和御製春臺望

睿德在青陽高居視中縣秦城連鳳闕漢寢疏  
 龍殿文物照光輝郊畿鬱葱禕千門望成錦八  
 水明如練複道曉光披宸遊出禁移瑞氣朝浮  
 五雲閣祥光夜吐萬年枝蘭葉負龜初薦祉桐  
 花集鳳更來儀秦漢生人凋力役阿房甘泉構  
 雲碧汾祠雍時望通天玉堂宣室坐長年鼓鐘  
 西接咸陽觀苑囿南通鄴杜田明主卑宮戒前  
 失輔德欽賢政惟一昆蟲不夭在春蒐稼穡常

六  
艱重農術邦家已荷聖謨新猶聞儉陋惜中人  
預奉北辰齊七聖長歌東武抃千春

賀知章

奉和御製春臺望

青陽布王道玄覽陶真性欣若天下春高逾域  
中聖神臯類觀賞帝里如懸鏡繚繞八川浮峇  
崑雙闕映曉色徧昭陽晴雲卷建章華滋的皪  
丹青樹顯氣氤氳金玉堂尚有靈蛇下鄜時還  
徵瑞寶入陳倉自昔秦奢漢窮武後庭萬餘宮

百數旗回五丈殿千門連綿南陞出西垣廣畫  
螭蛾誇窈窕羅生玳瑁象崑崙迺睠天情興隱  
恤古來土木良非一楚有章華趙叢臺何如堯  
階將禹室層欄窸窣下龍輿清管逶迤半綺疏  
一聽南風引鸞舞長謠北極仰鵲居

張九齡

奉和聖製瑞雪篇

萬年春三朝日上御明臺旅庭實初瑞雪兮霏  
微俄同雲兮蒙密此時騷切陰風生先過金殿

歷朝應制詩選卷二

文彙堂

有餘清信宿輝娟飛雪度能使玉人俱掩嫫皓  
皓樓前月初白紛紛陌上塵皆素昨訝驕陽積  
數旬始知和氣待迎新匪惟在人利曾是占天  
意天意豈云遙雪下不崇朝皇情翫無斃雪委  
方盈尺草樹紛早榮京坻宛先積君恩誠謂何  
歲稔復人和預數斯箱慶應如此雪多朝冕旒  
兮載悅想簞笠兮農節倚瑤琴兮或歌續薰風  
兮瑞雪福寢昌應尤盛瑞雪年年常感聖願以  
柏梁作長爲柳花詠

七

奉和聖製溫泉歌

有時神物待聖人去後湯還冷來時樹亦春  
今茲十月自東歸羽旆逶迤上翠微溫泉谷  
葱葱佳氣色離宮奕奕叶光輝臨渭川近天  
邑浴日溫泉復在茲羣仙洞府那相及吾君  
利物心玄澤浸蒼黔漸漬神湯無疾苦薰歌  
一曲感人深



歷朝應制詩選卷三

延陵吳

汶秋林

全選

英石林

安州欽

牧牧臣參定

唐

五言律詩

虞世南

侍宴應詔賦韻得前字

芬芳禁林晚容與桂舟前橫空一鳥度照水百  
花燃綠野明斜日青山澹晚烟濫陪終宴賞握

歷朝應制詩選卷三

文彙堂

管類窺天

發營逢雨應詔

豫遊欣勝地皇澤乃先天  
油雲陰御道膏雨潤  
公田隴麥霑逾翠山  
花濕更燃稼穡良所重  
方復悅豐年

侍宴歸鴈堂

歌堂面綠水舞館接金塘  
竹開霜後翠梅動雪  
前香鳧歸初可侶鴈起欲分行  
刷羽同棲集懷思愧稻梁

陳叔達

早春桂林殿應詔

金鋪照春色玉律動年華  
朱樓雲似葢丹桂雪  
如花水岸銜階轉風條出柳斜  
輕輿臨太液湛露酌流霞

許敬宗

奉和儀鸞殿早秋應制

睿想追嘉豫臨軒御早秋  
斜暉麗粉壁清吹肅  
朱樓高殿凝陰滿雕牕豔曲流  
小臣參廣宴大

造諒難酬

楊師道

賦終南山用風字韻應詔

睿言懷隱逸輟駕踐幽叢白雲飛夏雨碧嶺橫  
春虹草綠長楊路花疎五柞宮登臨日將晚蘭  
桂起香風

初秋夜坐應詔

玉琯涼初應金壺夜漸闌蒼池流稍潔仙掌露  
方溥鴈聲風處斷樹影月中寒爽氣長空淨高

吟覺思寬

上官儀

詠雪應詔

禁園凝朔氣瑞雪掩晨曦花明棲鳳閣珠散影  
娥池飄素迎歌上翻光向舞移幸因千里映還  
繞萬年枝

蘇味道

初春行宮侍宴應制得天字

溫液吐涓涓跳波急應絃簪裾承睿賞花柳發

韶年聖酒千鍾洽宸章七曜懸微臣從此醉還  
似夢鈞天

李嶠

奉和幸白鹿觀應制

駐蹕三天路迴旃萬仞谿真庭羣帝享洞府百  
靈棲玉酒仙壚釀金方暗壁題佇看青鳥入還  
陟紫雲梯

奉和七夕宴兩儀殿應制

靈匹三秋會僊期七夕過槎來人泛海橋渡鵲

填河帝縷升銀閣天機罷玉梭誰言七襄詠重  
入五絃歌

奉和春日遊苑喜雨應制

仙蹕九重臺香筵萬壽杯一旬初降雨二月早  
聞雷葉向朝躋密花含宿潤開幸承天澤豫無  
使日光催

奉和九日幸臨渭亭登高應制得歡字

一作宋  
之問

令節三秋晚重陽九日歡仙杯還汎菊寶饌且

調蘭御氣雲霄近乘高宇宙寬今朝萬壽引宜  
向曲中彈

奉和聖製立春日侍宴內殿出翦綴綵  
花應制

早聞年欲至翦綵學芳辰綴綺奇能似裁紅巧  
過真花從篋裏發葉向手中春不與韶光競何  
名天上人

奉和遊禁苑幸臨涓亭遇雪應制

彤雲接野烟飛雪暗長天拂樹添梅色過樓助

粉妍光含班女扇韻入楚王絃六出迎仙藻千  
箱答瑞年

甘露殿侍宴應制

月宇臨丹地雲牕網碧紗御筵陳桂醕天酒酌  
榴花水向浮橋直城連禁苑斜承恩恣歡賞歸  
路滿烟霞

閏九月九日幸總持寺登浮圖應制

閏月開重九真遊下大千花寒仍薦菊座晚更  
披蓮剎鳳回雕輦幡虹間綵旃還將西梵曲助

入南薰絃

遊禁苑幸渭亭遇雪應制

平明敞帝居霰雪下陵虛  
寫月含珠綴從風薄綺  
疏年驚花絮早春應管絃  
初已屬雲天外欣承沛澤餘

春日芙蓉園侍宴應制

年光竹裏遍春色杏間遙  
烟氣籠青閣流文蕩畫橋  
飛花隨蝶舞艷曲伴鶯嬌  
今日陪歡豫還疑陟紫霄

侍宴長寧公主東莊應制

別業臨青甸鳴鸞降紫霄  
長筵鴛鷺集仙管鳳皇調  
樹接南山近烟含北渚遙  
承恩咸已醉戀賞未還鑣

奉和九日登慈恩寺浮圖應制

瑞塔千尋起仙輿此日來  
萸房陳寶席菊藥散花臺  
御氣鵬霄近升高鳳野開  
天歌將梵樂空裏共徘徊

奉和人日清暉閣宴羣臣遇雪應制

三陽偏勝節七日最靈晨行慶傳芳蟻升高綴  
綵人堦前萸候月樓上雪驚春今日銜天造還  
疑上漢津

孫

全

奉和九月九日登慈恩寺浮圖應制

應節萸房滿初寒菊圃新龍旗煥宸極鳳駕儼  
香闥蓮井偏宜夏梅渠更若春一欣陪鴈塔還  
似得天身

辛替否

奉和九月九日登慈恩寺浮圖應制

洪慈均動植至德俯深玄出豫從初地登高適  
梵天白雲飛御藻慧日暖皇編別有秋原藿長  
傾雨露緣

蕭至忠

奉和九月九日登慈恩寺浮圖應制

天蹕三乘啓星輿六轡行登高凌寶塔日極徭  
王城神衛空中遶仙歌雲外清重陽千萬壽率  
舞頌昇平

薛曜

正夜侍宴應制

重關鐘漏通夕敞鳳凰宮雙闕祥烟裏千門皓  
月中酒杯浮湛露歌曲唱流風侍臣咸醉止恒  
愧遇恩崇

韋承慶

寒食應制

鳳城春色晚龍禁早暉通舊火收槐燧餘寒入  
桂宮鶯啼正隱葉鷄鬪始開籠藹藹瑤山滿仙

歌始樂風

宗楚客

奉和人日清暉閣宴羣臣遇雪應制

窈窕神仙客參差雲漢間九重中禁啓七日早  
春還太液金爲水蓬萊雪作山今朝上林樹無  
處不堪攀

侍宴滌水賦得長字

御輦出明光乘流泛羽觴珠胎隨月減玉漏與  
年長寒盡梅猶白風遲柳未黃日斜旌騎轉休

歷朝應制詩選卷三

文彙堂



氣展林塘

喬知之

侍宴應制得分字

紫禁肅晴氛朱樓落曉雲  
豫遊龍駕轉天樂鳳簫  
聞竹外仙亭出花間輦  
路分微臣一何幸詞賦  
奉明君

梨園亭侍宴應制

年光陌上發香輦禁中遊  
草綠鴛鴦殿花紅翡翠  
樓天杯承露酌仙管雜  
風流今日陪歡豫皇

恩不可酬

杜審言

奉和七夕宴兩儀殿應制

一年銜別怨七夕始言歸  
歛淚開星靨微步動雲  
衣天迴兔欲落河曠鵲  
停飛那堪盡此夜復往  
弄殘機

蓬萊三殿侍宴奉敕詠終南山應制

北斗挂城邊南山倚殿前  
雲標金闕迴樹杪玉堂  
懸半嶺通佳氣中峯繞  
瑞烟小臣持獻壽長

歷朝應制詩選卷三

文彙堂

此戴堯天

望春亭侍燕遊應詔

帝出明光殿天臨太液池堯樽隨步輦舜樂繞  
行麾萬壽禎祥獻三春景物滋小臣同酌海歌  
頌答無爲

大酺

聖后乘乾日皇明御曆辰紫宮初啓坐蒼壁正  
臨春雷雨垂膏澤金錢贈下人詔酺歡賞遍交  
泰觀惟新

宿羽亭侍宴應制

步輦千門出離宮二月開風光新柳報宴賞落  
花催碧水搖雲閣青山繞吹臺聖情留晚興歌  
管送餘杯

歲夜安樂公主滿月侍宴應制

戚里生昌胤天杯宴重臣畫樓初滿月香殿早  
迎春睿作堯君寶孫謀梁國珍明朝元會日萬  
壽樂章陳

沈佺期

奉和聖製同皇太子遊慈恩寺應制

蕭蕭蓮花界熒熒貝葉宮  
金人來夢裏白馬出  
城中湧塔初從地焚香欲遍空  
天歌應春籥非是爲春風

立春日侍宴內出綵花樹應制

合殿春應早開箱綵預知花  
迎宸翰發葉待御筵披梅訝香  
全少桃驚色頓移輕生承剪拂長  
伴萬年枝

仙萼池亭初成侍宴應制

山中氣色和宸賞第中過輦路披  
仙掌帷宮拂帝蘿泉臨香澗落峯  
入翠雲多無異登玄圃東南望白  
河

幸白鹿觀應制

紫鳳真人劫班龍太上家天流芝  
蓋下山轉桂旗斜聖藻垂寒露仙  
杯落晚霞惟應問王母桃作幾時  
花

奉和洛陽觀雪應制

周王甲子旦漢后德陽宮灑瑞天  
庭裏驚春御

苑中氛氲生浩氣  
颺沓舞回風  
宸藻光盈尺  
賡歌樂歲豐

奉和九日幸臨渭亭登高應制得行字  
御氣幸金方  
憑高薦羽觴  
魏文頒菊藥  
漢武賜萸囊  
去鶴留笙吹  
歸鴻識舞行  
年年重九慶  
日日奉天長

歲夜安樂公主滿月待宴應制

除夜子星迴天星滿  
月杯咏歌麟趾合  
簫管鳳雛來  
歲炬常然桂春盤  
預折梅聖皇千萬歲  
垂

曉御樓開

幸梨園亭觀打球應制

今春芳苑遊  
接武上瓊樓  
宛轉縈香騎  
飄飄拂畫球  
俯身迎未落  
迴轡逐傍流  
祗爲看花鳥  
時時誤失籌

宋之問

幸岳寺應制

暫幸珠筵地  
俱憐石瀨清  
汎流張翠幕  
拂迴掛紅旌  
雅曲龍調管  
芳鱗蟻汎觥  
陪歡玉座晚  
復

歷朝應制詩選卷三

文彙堂

得聽鐘聲

三日禁園侍宴應制

九重馳道出上巳禊堂開畫鷁中川動青龍上苑來野花飄御座河柳拂天杯日晚迎祥處笙鏞下帝臺

奉和聖製立春日侍宴內殿出翦綵花

應制

金閣散仙杏瓊筵弄綺梅人間都未識天上忽先開蝶繞香絲住蜂憐彩艷迴今年春色早應

爲翦乃催

送沙門弘景道峻玄奘還荊州應制

一作李嶠

三乘歸淨域萬騎餞通莊就日離亭近彌天別路長荆南旋杖鉞河北限津梁何日紆真果還來入帝鄉

麟趾殿侍宴應制

北闕層城峻西宮複道懸乘輿歷萬戶置酒望三川花柳含丹日山河入綺筵欲知陪賞處空

外有飛烟

奉和聖製閏九月九日登莊嚴總持二  
寺閣

閏月再重陽仙輿歷寶坊帝歌雲稍白御酒菊  
猶黃風鐸喧行漏天花拂舞行豫遊多景福梵  
宇日生光

奉和九月九日登慈恩寺浮圖應制

鳳剎侵雲半虹旌倚日邊散花多寶塔張樂布  
金田時菊芳仙醞秋蘭動睿篇香街稍欲晚清

躡扈歸天

上陽宮侍宴應制得林字

廣樂張前殿重裘感聖心砌奠霜月盡庭樹雪  
雲深舊渥驂宸御慈恩忝翰林微臣一何幸再  
得聽瑤琴

幸少林應制

紺宇橫天室迴鑿指帝休曙陰迎日盡春氣抱  
巖流空樂繁行漏香烟薄綵旂玉膏從此泛仙  
馭接浮丘

夏日仙萼亭應制

高嶺逼星河乘輿此日過野合時雨潤山雜夏  
雲多睿藻光巖穴宸襟洽薜蘿悠然小天下歸  
路滿笙歌

春日芙蓉園侍宴應制

芙蓉秦地沼盧橘漢家園谷轉斜盤徑川迴曲  
抱源風來花自舞春入鳥能言侍宴瑤池夕歸  
途騎吹繁

魏元忠

銀潢宮侍宴應制

別殿秋雲上離宮夏景移寒風生玉樹涼氣下  
瑤池塹花仍吐葉巖木尚抽枝願奉南山壽千  
秋長若斯

李適

侍宴長寧公主東莊應制

鳳樓紆睿幸龍舸暢宸襟歌舞平陽第園亭沁  
水林山花添聖酒澗竹繞薰琴願奉瑤池駕千  
春待德音

奉和九月九日登慈恩寺浮圖應制

鳳輦乘朝霽  
鶯林對晚秋  
天文貝葉寫  
聖澤菊  
花浮塔似神  
功造龕疑佛  
影留幸陪清  
漢蹕欣  
奉淨居遊

奉和九日幸臨渭亭登高應制

禁苑秋光入  
宸遊霽色高  
萸房頒綵笥  
菊蕊薦  
香醪後騎縈  
堤柳前旌拂  
御桃王枚俱  
得從踈  
淺愧飛毫

奉和遊禁苑幸臨渭亭遇雪應制

長樂喜春歸  
披香愛雪霏  
花從銀閣度  
絮繞玉  
牕飛寫曜銜  
天藻呈祥拂  
御衣上林紛  
可望無  
處不光輝

李义

幸白鹿觀應制

制蹕乘驪阜  
回輿指鳳京  
南山四皓謁  
西嶽兩  
童迎雲幄臨  
玄圃霞杯薦  
赤城神明近  
茲地何  
事往蓬瀛

奉和遊禁苑幸臨渭亭遇雪應制



青陽御紫微白雪下彤闈  
淡壤流天霈綿區灑  
帝輝水如銀度燭雲似玉披衣為得因風起還  
來就日飛

六

奉和登驪山頂寓目應制

崖巘萬尋懸居高厰御筵行戈疑駐日步輦若  
升天城闕霧中近關河雲外連繆陪登岱駕忻  
奉濟汾篇

春日芙蓉園侍宴應制

水殿臨丹籞山樓遶翠微昔遊人託乘今幸帝  
垂衣澗篠緣峰合巖花逗浦飛朝回江曲地無  
處不光輝

奉和春日遊苑喜雨應制

園樓春正歸入暮弄芳菲密雨迎仙步低雲拂  
御衣危花沾易落度鳥濕難飛膏澤登千庾歡  
情遍九圍

奉和人日清暉閣宴羣臣遇雪應制

上月登臺賞中天御輦飛後庭聯舞唱前席仰  
恩輝睿作風雲起農祥雨雪霏幸陪人勝節長

願奉垂衣

送沙門弘景道俊玄奘還荊州應制

初日承歸旨秋風起贈言漢珠留道味江璧返  
真源地出南關遠天廻北斗尊寧知一柱觀却  
啓四禪門

奉和九月九日登慈恩寺浮圖應制

湧塔臨玄地高層瞰紫微鳴鑿陪帝出攀椽翊  
天飛慶洽重陽壽文舍列象輝小臣叨載筆欣  
此頌巍巍

侍宴長寧公主東莊應制

紫禁乘雷動青門訪水嬉上台鱣席慶仙女鳳  
樓期合宴簪紳滿承恩雨露滋北宸還捧日東  
館幸逢時

鄭愔

奉和九日登慈恩寺浮圖應制

湧霄開寶塔倒影駐仙輿鴈子乘堂處龍王起  
藏初秋風聖主曲佳氣史官書願獻重陽壽承  
歡萬歲餘

歷朝應制詩選卷三

文彙堂

中宗降誕日長寧公主滿月侍宴應制  
春殿猗蘭美仙階柏樹榮地逢芳節應時覩聖  
人生月滿增祥莢天長發瑞霽南山遙可獻常  
願奉皇明

崔湜

侍宴長寧公主東莊應制

芳園東郭外鸞駕一遊盤水榭宜時陟山樓尚  
晚看席臨天女貴林接近臣歡聖藻懸辰象微  
臣竊仰觀

奉和聖製登驪山高頂寓目應制

名山河壯哉玄覽一徘徊御路穿林轉旌門倚  
石開烟雲肘後發河塞掌中來不學蓬壺遠經  
年猶未迴

幸白鹿觀應制

御旗探紫籙仙仗闢丹丘捧藥芝童下焚香桂  
女留鸞歌無歲月鶴語記春秋臣朔真何幸常  
陪漢武遊

趙彥昭

奉和九月九日登慈恩寺浮圖應制

出豫乘秋節登高陟梵宮  
皇心滿塵界佛迹現  
虛空日月宜長壽人天得大通  
喜聞題寶偈受記莫由同

九日幸臨渭亭應制

秋豫凝仙覽宸遊轉翠華  
呼鷹下鳥路戲馬出龍沙  
紫菊新宜壽丹萸舊辟邪  
須陪長久宴歲歲奉吹花

薦福寺應制

雲驂驅半景星躡坐中天國  
誕玄元聖家尋碧落仙玉杯  
鸞薦壽寶算鶴知年一觀雲華唱欣承道德篇

奉和七夕宴兩儀殿應制

青女三秋節黃姑七日期  
星橋渡玉珮雲閣掩羅幃  
河氣通僊掖天文入睿詞  
今宵望靈漢應得見蛾眉

奉和人日清暉閣宴羣臣遇雪應制

出震乘東陸憑高御北辰  
祥雲應早歲瑞雪候

初旬宮樹千花發階萸七葉新幸逢今日宴長  
奉萬年春

奉和聖製登驪山高頂寓目應制

皇情遍九垓御輦駐昭回路若隨天轉人疑近  
日來河看大禹鑿山見巨靈開願扈登封駕常  
持薦壽杯

劉憲

奉和七夕宴兩儀殿應制

秋吹過雙闕星僊動三靈更深移月鏡河淺度

雲軒殿上徵方朔人間失武丁天文茲夜裏光  
映紫微庭

奉和九月九日登慈恩寺浮圖應制

飛塔雲霄半清晨羽旆遊登臨憑季月寥廓見  
中州御酒新寒退天文瑞景留辟邪將獻壽茲  
日奉千秋

于經野

奉和九日幸臨渭亭登高應制得樽字

御氣三秋節登高九曲門桂筵羅玉俎菊醴溢

歷朝應制詩選卷三

文彙堂

芳樽遵渚歸鴻度承雲舞鶴騫微臣濫陪賞空  
荷聖明恩

徐彥伯

奉和遊禁苑幸臨涓亭遇雪應制

玉律藏冰候彤階飛雪時日寒消不盡風定舞  
還遲瓊樹留宸矚璇花入睿詞懸知穆天子黃

竹謾言詩

詩選卷三

終

